


Go na le selalome mo rakeng ya me



Buka

1

SETSWANA



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntsha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana).



Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Go na le selalome mo rakeng ya me



John o laleditse tsala ya gagwe Robert go tla go robala le ena. Basimane ba babedi ba ba ne ba itumelela motshameko wa ga John Nintendo.

"Yo ke motshameko o o gaisang wa khomphutara!" ga tshikinyega John.

"Tlaya o bone dilalome fa di ntłhasela!"

"Ao!" ga tsiboga Robert. "O tsaya kae motshameko o o tshosang jaana?

O ikele tlhoko, e seng jalo dilalome di tlaa go tshwara!"

"Selalome se sengwe ke se se e tla!

O ka re se tla go ntłhasela!" ga goa

John. "A o ke o se bone! Se na le

tlhogo, meno le mogatla fela jaaka

Daenasore Rex. Se bogale thata!"



"John le Robert," ga bitsa mmaagwe John. "Bayang Nintendo eo mme le tsene mo dikobong le robale jaanong!"

"Go siame, mme ke batla fela go fetsa motshameko o," ga araba John.

"Tima motshameko oo gona jaanong!" ga bua mmaagwe. "O tlaa tswelela go tshameka ka moso."



"Go siame mma," ga bua John jaaka
a tima lebone la gagwe mme a
tswelela go tshameka motshameko
wa gagwe wa Nintendo mo lefifing.

Robert o ne a thulamela.

Kwa bokhutlong John o ne a emisa
go tshameka mme gape a thulamela.
Lesedi la ngwedi le ne le phatsimela
mo rakeng ka letlhhabaphefo mo
phaposing.



Ka tshoganyetso John a tsoga. E ne
e le modumo wa eng? Gotlhagotlha!
Thula! Gotlha! Gotlha!

John o ne a dula mo bolaong mme
a goga dikobo go fitlha mo seledung
sa gagwe. Matlho a gagwe a batlisisa
phaposi e e lefifi fa a ntse a leka
go bona gore ke eng se se dirang
medumo e e tshosang. E ne e tswa
mo rakeng ya gagwe.

Raka e ne e galalela mo leseding
la ngwedi mme lebat i le tshikinyega.
Morago lebat i la raka la simolola
go sut a. Tswiii! Tswiii!

Sengwe se ne se thula lebati.

"Selalome!" ga sebaseba John.

"Ke mang?" a botsa, ka lentswe
le le teteselang.



Lebati la raka la simolola go bulega. John a tlola ka letshogo mme a tswala lebati a le otlaganya. Ka pelo e e ubang, a kgarameletsa setulo mo lebating.

"Jaanong ke solo fela gore ke ka ya go robala," a akanya.

Ya re fela fa a palama bolao go robala, ga utlwala sengwe gape se thula lebati. Ka seno sebaka modumo wa teng wa bo o le kwa godingwana.

"Nnyaya tlhe!" a akanya. "Jaanong ke ya go dira eng? Ga ke batle go tsosa mongwe le mongwe mo ntlong."



A tetesela ke letshogo, a tsosa
tsala ya gagwe, Robert.

"Robert! Go na le sengwe mo
rakeng! Ke selalome sa mofuta
mongwe fela, e ka tswa e le
daenasore ya bogologolo," a seba.

"Gongwe o ntse o lora toro e e
tshosang. E re nna ke robale, ke
lapile," ga araba Robert.

"E ne e se toro. Ke ne ka lebelela
kwa lebating. Lebati la raka le ne
le ipula ka bolona!"

"O se ka wa tlaela, John. O lora
ka ga motshameko wa gago."

"Tlaya re bule lebati re le babedi,
mme o tlaa bona!"



Robert o ne a hemela kwa godimo
thata mme a phamola pakete ya
gagwe. O ne a batlabatla mo go
yona mme a fitlhela totšhe. A
tsamaela kwa rakeng.

Ka tshoganyetso a utlwa go thubaka
go gongwe go go kwa godimo.
Basimane ba babedi ba ema ba
tsigame, ba tshogile e bile ba palelwa
ke go suta. Modumo wa go gwaya le
go thubaka o ne o tswa mo rakeng.

"A o utlwile seo?" ga botsa John.

Robert a dumela ka tlhogo. O ne
a utlwa pelo ya gago e uba mo
sehubeng sa gagwe.



John le Robert ba tsamaya ka
ditsetsenkwane go ya kwa rakeng.
John a bula lebat i ka iketlo mme
Robert a tshuba ka totšhe mo
phatlheng. Go ne go na le sengwe
se se neng se leka go kgarametsa
lebat i gore le bulege.

Ka tshoganyetso totšhe ya ba
bontsha matlho a a serolwana a
mabedi. Basimane ba babedi ba
tlolela kwa morago ba tshogile.

"E ka nna eng?" ga seba Robert
jaaka a gatelela lebat i gore le
tswalege.



Go thubaka le go gotlhha ga nna
ga ya kwa godingwana. Robert
a hemela kwa botennyé mme a
bula lebati gape. Sebopiwa sa
tlolela kwa nté mme sa relela
fa pele ga bona.

"Ke eng sele?" John a goa.

"Ke katse ya gago!" ga goa Robert
jaaka a thubega ka setshego.




Didaenasore tse di gakgamatsang

DIDAENASORE di tshetse mo lefatsheng dingwaga di le dimilione tse di fetileng. Di ne tsa nyelela, seo se kayang gore di ne tsa swela ruri. Ga go ope yo o setseng a kile a bona daenasore mme re itse ka ga tsona gonne borasaense ba epile marapo le meno a tsona. Go tswa mo marapong le menong a borasaense ba kgone go lemoga gore di ne di lebega jang le gore di ne di tshela jang.

IKWANODON

IKWANODON e ne e le daenasore e e jang dijwalo tse di nang le mebitlwa. E nnile daenasore ya bobedi go ribololwa.



TIRANOSORASE REKS

(e bidiwa Thireks go e khutshwafatsa)


e ne e le sejanama se segolo thata se se kileng sa nna teng. E ne e ja didaenasore tse dingwe di tshwana le Theraeseratopo. Thireks e ne e le bolele jwa dimmitara di le 6. E ne e tsamaya ka maoto a maleele a mabedi a kwa morago. E ne e na le manaka a makhutshwane ka menwana e mebedi e e manala. Metlhagare le meno a yona a ne a le thata thata – go ka ja diphologolo tse dingwe.

TERAESERATOP

daenasore ena e ne e na le
manaka a le mararo le
moetsenyana mo tlhogong.
Teraeseratopo e kaya
"sefatlhego sa manaka a mararo".
Diteraeseratopo di thuthuga go
tswa mo maeng. Di ne di tshela ka metlhape mme di sireletsa bana ba tsona
thata. Di ne di na le melomo e e popota mme di se na meno. Di ne di ja dijalo.



Mmele o mokima




BORONTHOSORASE

e itsege gape ka Apatosorase, mme e e ne e le
phologolo e kgolokgolo mo lefatsheng e e kileng

ya tshela. E ne e na le logata lo lololele le boboko jo bonnye. Sejadijalo se, se ne
se na le molala o moleele. Dinko tsa sona di ne di le mo godimo ga tlhogo ya sona.

SETEKOSORASE

ke daenasore e e neng e
na le mela ya dipoleite mo
mokwatleng le mebitlwa mo
mogatleng wa yona. E ne
e le kgolo thata mme e na
le tlhogo e nnye thata le
boboko jo bonnye. E ne e na
le molomo mme e ja dijalo.



Ditirwana tsa puiso ya ditlhophha



1

Lebelela ditshwantsho. Bolelela tsala ya gago gore:

- go diragala eng mo setshwantshong sengwe le sengwe.
- ke setshwantsho sefe se se tshwanetseng go nna sa ntliha, sa bobedi, sa boraro le sa bone
- ke setlhogo sefe se se tsamaelanang le setshwantsho sengwe le sengwe.



Tlisa setulo.



Ijoo, ke selalome se se bogale!



Emisang go tshameka jaanong!



Ke modumo ofe oo?



2

Bua le tsala ya gago ka ga tse di latelang:

- Ke goreng o akanya gore Robert o ne a tshega kwa bokhutlong jwa kgang?
- Ke goreng o akanya gore John o ne a akanya gore go na le selalome mo rakeng?
- A o akanya gore go tshameka motshameko wa Nintendo go bakile letshogo la basimane?



2

- d) A o setse o kile wa lora toro e e tshosang? Fa go ntse jalo, o akanya gore e ne e bakilwe ke eng?
- e) A kgang ya teng e ne ya khutla ka moo o neng o soloftse ka teng? Tlhamha bokhutlo jo bongwe jwa kgang.
- f) Kopolola dipolelo tse tharo tse go tswa mo bokhutlong jwa kgang o bontshe gore basimane ba ne ba tshogile?
- g) O akanya selalome se John a neng a se tshaba se ne se ntse jang? Se thale mme morago o tlhalosetse tsala ya gago setshwantsho seo.



3

O kcona go bona mafoko a makae a a nang le modumo 'tsh' mo kgannyeng?
Ke mafoko afe a mangwe a a kayang modumo a o ka a akanyang?



4

Dirisa **mm**, **m** kgotsa **nqw**.

<u>ila</u>	<u>oloi</u>	<u>otho</u>	<u>ana</u>	<u>etsi</u>
<u>oedi</u>	<u>popo</u>	<u>e</u>	<u>ogala</u>	<u>edi</u>



4

Itseye gore o John. Kwala setsenywa sa bukatsatsi mo bukeng ya gago ya dithutiso o tlhalose gore go diragetse eng bosigo. Netefatsa gore setsenywa sa gago se na le matseno, mmele le bokhutlo.

Dumela Bukatsatsi,

Bosigo jwa maabane nna le Robert ...



5

Kopololela lenaneo le le latelang mo bukeng ya gago ya dithutiso. Morago o kwale mafoko a a latelang ka fa tlase ga medumo e e nepagetseng.



gaila	tlou	reetsa	tseana	loisa
seane	seega	kouma	feela	boi
founa	koloi	saila	seatla	laila

ou	ea	ee	oi	ai



6

Lebelela ditlhaloso tsa didaenasore mo ditsebeng tsa 20 le 21 mme o bolelele tsala ya gago gore ke daenasore efe e e jang batho. Ke daenasore efe e o akanyang gore e bonala e le kotsi? Tlhalosa gore ke eng o akanya jalo.



PUOGAE YA MOPHATO 3



Buka 1

Leina kana setlhogo:	Go nale selalome mo rakeng ya me
Puo:	Setswana
Maemo:	Padiso ya Puogae Mophato 3 Maemo 3 Buka 1
Mofuta wa sekwalwa:	Kanelo
Mafoko a tlwaelo:	dikologa, kgakala, bofelo, mongwe, tsibositse, arabile, tshoganyetso, kwa, go, ka
Tlotlofoko:	Motshameko wa Nintendo, Thaenesorase Rex, bogologolotala, gongwe, toro e e tshosang, tshogile, gotlha, senotse, bogale
Medumopuo:	ee, oo, ai, ie, ea, ou, oi, -ng, th, ph, ts, tsh, jw
Diteng, marel le bokgoni:	<ul style="list-style-type: none">▪ Tlotla ka ga ditshwantsho▪ Tlhomaganya ditshwantsho▪ Nyalanya ditlhogo le ditshwantsho▪ Buisa le go araba dipotso tsa tekatlhaloganyo▪ Bua ka ga maitemogelo a gago▪ Tlhagisa maikutlo ka ga kgang▪ Tlhamma bokhutlo jo bošwa jwa kgang▪ Lemoga mafoko a a kayang modumo mo kgannyeng▪ Dirisa mafoko a a nang le medumopuo th, tsh le tlh mo dipolelong▪ Kwala bukatsatsi gape

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.


Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2653-6



9 781431 526536



ISBN 978-1-4315-2653-6

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dibuka tse digwe tse di
mo šelofong ya Puogae ya
Mophato 3**



**Robi Mmutlanyana o tsietsa
Freddie Phokojwe**

Letsholo la kwa lewatleng

Boitumediso mo khitsining

**Bukatsatsi ya Ngwana
Matshwenyego**



Go ngweega go gogolo

**Thandi o na le letsatsi
le le bosula**

Beke ya go ka gakologelwa



**Go na le selalome mo rakeng
ya me**

**Kgetse ya dikukukopi
tse di latlhiegileng**

Go a makatsa mme ke nnate